



# Վահան Տերյան

## Հանդիպում

Անհայտ կողմերից անտես թներով,  
Հրաշքով անուշ դու վերադարձար,  
Շուրջրս փռեցիր քո վիշտը պայծառ,  
Գգվեցիր հագիս տխուր խոսքերով...

Հիվանդ կարոտիս հրաշք-երագում  
Թվաց, որ դու էլ թույլ ես ու վհատ,  
Որ դու էլ ես իմ կարոտով հիվանդ,  
Որ քո սիրտն էլ է հրաշք երագում...

Պարզեցինք իրար սրտներըս տխուր  
Եվ չըպահեցինք արցունքներըս տաք,  
Մեր տխրությունը մեղմ էր և հստակ,  
Ու շուրջն աշխարհը և՛ կար, և՛ չկար...

1909